



PRIMLJENO:		23-10-2023	
Organizaciona jedinica	Klasifikaciona oznaka	Šifra broj	Broj prijave
05	02	6958	

БОСНА И ХЕРЦЕГОВИНА
УДРУЖЕЊЕ ГЕНЕРАЛА БИХ

BOSNA I HERCEGOVINA
UDRUŽENJE/UDRUGA GENERALA BIH

Broj: 01-160-89/23.
Sarajevo, 16.10.2023.godine

Predsjednik UG BiH mob: 061/490-993
Sekretar UG BiH mob: 062/502-902
udruzenjegeneralabih@yahoo.com
www.generalihih.ba
Zelenih be

Grad Sarajevo

n/I Gradonačelnica

prof. Dr Benjamina Karić

Uvažena Gradonačelnice,

Iskreno Vam se zahvaljujemo na prethodnom susretu, te sadržajnom i iskrenom razgovoru. Kao i uvijek kod svakog našeg susreta. Tom prilikom dogovorili smo neke zajedničke aktivnosti i korake, pa ćemo ovim aktom pokrenuti realizaciju jedne od njih.

Ovom prilikom Vam upućujemo molbu kako bi ste u saradnji sa Vijećem Grada Sarajeva, Udruženju generala Bosne i Hercegovine dodijelili status udruženja od značaja za Grad Sarajevo. U narednom dijelu navešćemo neke od činjenica o našem udruženju i o doprinosu generala OOR i njihovim djelima.

Udruženje je formirano sredinom 2006.godine na inicijativu grupe generala Armije RBiH, Vojske FBiH i patriotski opredjeljenih generala bivše JNA koji su ili aktivno učestvovali u odbrani ili savjetodavno zbog svojih godina. Udruženje je formirano kao udruženje građana zbog pravne legislative na nivou države i prvi smo, kao boračko udruženje, koji su to uspjeli. Naše udruženje trenutno broji 37 članova, od tog broja 29 generala i članova živi na području Grada Sarajeva. Ove podatke smo iznijeli da steknete dojam kako je velika stvar da ogromna većina nas, svoje aktivnosti i život provode u glavnom gradu.

Kroz sve godine postojanja, kao ljudi i udruženje, prolazili smo i prolazimo, kroz razne turbulencije i ponekad čudne odnose nositelja vlasti. Sa državnog nivoa, zavisno od političkog opredjeljenja dužnosnika, smo pod povremenim pritiscima zbog naših aktivnosti i patriotskih – probosanskih opredjeljenja, a na nivou entiteta odnosi su bivali promjenjivi. Navešćemo Vam primjer odnosa državnih dužnosnika. Usmeno smo upozoreni kako je potrebno da sa redovnog godišnjeg izvještaja za 2022.godinu, Ministarstvu pravde BiH, uklonimo zaglavlje jer je u našem ranijem znaku/obilježju modificirana državna zastava. Nakon toga smo, jer smo uvijek bili legalisti i poštovali državu, promijenili sva vizuelna obilježja. Uglavnom mi smo uvijek izlazili na kraj sa svim problemima i ostajali dostojanstveni u borbi za prava branilaca i dobrobit države Bosne i Hercegovine.

Poštovana Gradonačelnice, generali su u svim uređenim državama jedan od simbola državnostvornosti države. Međutim, kod nas su i tu prisutne devijacije. Nekada i od nekih državnih službenika i dužnosnika osjećamo odnos kao prema aplikantima za rješavanje socijalnih potreba. Uvjereni smo da ćete Vi, na osnovu Vaših djela i stavova, ispraviti neke stvari i postaviti istinske vrijednosti na mjesto koje zaslužuju.

Kao što smo Vas upoznali mi čak nemamo ni svoj prostor, voljom nekih od političkih čimbenika i „moćnika“. A posebno je žalosno, da Vas u ovome aktu posebno ne opterećujemo tom temom, da smo jedino udruženje koje postoji više decenija, a nije na budžetu niti jednog nivoa vlasti.

U ovom inicijalnom aktu pobrojaćemo Vam neke od aktivnosti Udruženja, kako bi ste stekli dojam čime se bavimo.

- Njegovanje tekovina OOR 1992. – 1995.godina,
- Njegovanje nasljedstva antifašizma i antifašističke borbe naroda Bosne i Hercegovine,
- Konsultacije i lobiranja kod odlučujućih političkih faktora po pitanju prava demobilisanih boraca, RVI i porodica šehida i poginulih boraca Armije RBiH i MUP RBiH,
- Učešće u konsultacijama sa parlamentarnim političkim strankama po pitanju donošenja zakona koji se odnose na braniteljsku populaciju,
- Savjetodavno i stručno učešće u pripremanju odbrane naših nepravredno optuženih branitelja,
- Briga i o našim članovima koji vremenom ulaze u godine i prirodno je da im je narušeno zdravlje ...

Cijenjena Gradonačelnice, ovo je neki vid inicijalnog akta kako bi smo pokrenuli proces dodjele statusa udruženja od značaja za glavni grad države Bosne i Hercegovine. Generali su, u većini, ljudi koji se ne ističu posebno i ne nameću. Valjda imaju onaj „nam“, što bi se reklo u našem gradu. Kao osobu koja je načisto sa značajem našeg OOR, doprinosom branitelja za naš zajednički opstanak i opstankom naše jedine domovine Bosne i Hercegovine, molimo da i gradske vijećnike „ubijedite“ u ispravnost dodjele ovog statusa našem udruženju.

Za sve dodatne informacije i potrebnu dokumentaciju stojimo na raspolaganju Vašim službama

S poštovanjem,



PREDSJEDNIK

General Rizvo Pleh



Broj: UPO8-07-1-1215/22
Sarajevo, 08.08.2022. godine

Ministarstvo pravde Bosne i Hercegovine, rješavajući Zahtjev Udruženja generala Bosne i Hercegovine, sa sjedištem u Sarajevu, ulica Zelenih Beretki broj 2, u predmetu upis promjena u Registru udruženja, na osnovu člana 43. stav 2. Zakona o udruženjima i fondacijama Bosne i Hercegovine (eSlužbeni glasnik BiH, br. 32/01, 42/03, 63/08, 76/11 i 94/16) i člana 4. stav (1) Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija („Službeni glasnik BiH“, broj 68/18), donosi

RJEŠENJE

1. U Registru udruženja Ministarstva pravde Bosne i Hercegovine, kod Udruženja generala Bosne i Hercegovine, sa sjedištem u Sarajevu, ulica Zelenih Beretki broj 2, upisanog pod registarskim brojem: RU-448, knjiga I Registra, dana 31.05.2006. godine, upisuju se promjene, kako slijedi:
 - 1.1 Produženje mandata licu ovlaštenom za zastupanje Udruženja u pravnom prometu: Pleh Rizvi, predsjedniku Udruženja.
 - 1.2 Razrješenje i imenovanje Upravnog odbora Udruženja.
 - 1.3 Razrješenje i imenovanje Nadzornog odbora Udruženja.
 - 1.4 Razrješenje i imenovanje predsjednika Skupštine Udruženja.
 - 1.5 Razrješenje i imenovanje Suda časti Udruženja.
2. Ovo Rješenje će se objaviti u „Službenom glasniku BiH“, o trošku podnosioca zahtjeva.

Obrazloženje

Udruženje generala Bosne i Hercegovine, sa sjedištem u Sarajevu, ulica Zelenih Beretki broj 2, upisano je u Registar udruženja kod Ministarstva pravde Bosne i Hercegovine, pod registarskim brojem: RU-448, knjiga I Registra, dana 31.05.2006. godine.

Udruženje je dana 27.05.2022. godine podnijelo Zahtjev za upis promjena u Registru udruženja ovog Ministarstva.

U toku postupka Ministarstvo je utvrdilo da zahtjev nije potpun, te da sadrži nedostatke i nepravilnosti zbog kojih nije moguće izvršiti upis promjena u Registru udruženja. Stoga je podnosilac zahtjeva podneskom od 18.07.2022. godine, izvršio izmjene i dopune Zahtjeva, te je uz Zahtjev dostavio sljedeću dokumentaciju: Zapisnik 11. Redovne izborne skupštine Udruženja, broj: 01-160-40/22 od 10.03.2022. godine; Odluku o razrješenju i imenovanju organa Udruženja, broj: 01-160-41/22 od 10.03.2022. godine; vlastoručni potpis i fotokopiju lične karte imenovanog lica ovlaštenog za zastupanje Udruženja pravnom prometu, ovjerene od nadležnog organa, te dokaz o uplati administrativne takse.

Uvidom u priloženu dokumentaciju utvrđeno je da su ispunjeni uslovi predviđeni Zakonom o udruženjima i fondacijama Bosne i Hercegovine i Pravilnikom o načinu vođenja registra udruženja i fondacija Bosne i Hercegovine i stranih i međunarodnih udruženja i

fondacija i drugih neprofitnih organizacija za upis pravnih u Registru udruženja. Stoga je riješeno kao u dispozitivu.

Na ovo Rješenje naplaćena je administrativna taksa u iznosu od 50,00 KM u skladu sa TAR. Brojem 108. Odluke o dopuni tarife administrativnih taksi. („Službeni glasnik BiH“ broj: 73/17).

Pouka o pravnom lijeku:

Protiv ovog rješenja nije dopuštena žalba, ali se može pokrenuti upravni spor tužbom pred Sudom Bosne i Hercegovine. Rok za podnošenje tužbe je 60 dana od dana prijema ovog rješenja.



Dostavljenost

- Udruženje generala Bosne i Hercegovine
Ulica Zelenih Beretki broj 2, 71 000 SARAJEVO;
- Zbirka isprava;
- JP NIO "Službeni list BiH".



BOSNA I HERCEGOVINA
FEDERACIJA BOSNE I HERCEGOVINE
Federalno ministarstvo financija - finansija
Porezna uprava - Kantonalni ured
SARAJEVO

Na osnovu člana 16. Zakona o Poreznoj upravi Federacije Bosne i Hercegovine
("Službene novine Federacije BiH", broj 33/02), Porezna uprava Federacije BiH izdaje

UVJERENJE O POREZNOJ REGISTRACIJI

**Udruženje generala Bosne i Hercegovine
- Udruga generala Bosne i Hercegovine**

Sa sjedištem: SARAJEVO
Adresom: ZELENIH BERETKI 2

i identifikacijskim brojem:

4201151810004

Registrovan je u Poreznoj upravi Federacije BiH
Kantonalni ured SARAJEVO

Po ovlaštenju rukovodioca Kantonalnog ureda

M.P.

Hafa Kovač dipl.oec.

Datum: 28-09-2006

**UNESENE IZMJENE PO ODLUCI 01-160-24/18 OD 19.03.2018.GODINE,
ODOBRENE OD MINISTARSTVA PRAVDE BIH**

Na osnovu Člana 10., a u vezi sa Članom 12. Zakona o udruženjima i fondacijama Bosne i Hercegovine („Službeni glasnik BiH“ broj: 32/01 i 42/03), Udruženje generala Bosne i Hercegovine je na sjednici Osnivačke skupštine održanoj u Sarajevu dana 15.12.2005. godine, usvojilo

**STATUT
Udruženja generala Bosne i Hercegovine**

I – OPĆE ODREDBE

Član 1.

Udruženje generala Bosne i Hercegovine je udruženje koje je osnovano na inicijativu grupe generala Bosne i Hercegovine, a podržano i usvojeno na Osnivačkoj skupštini, održanoj 15. 12. 2005. godine, u skladu sa Zakonom o udruženjima i fondacijama Bosne i Hercegovine. Udruženje je dobrovoljno, nestranačko, nevladino, neprofitabilno, staleško udruženje ravnopravnih članova, koje ne trpi diskriminaciju po bilo kom osnovu.

Član 2.

Ovim Statutom, u skladu sa Zakonom uređuje se:

- puni i skraćeni naziv Udruženja i sjedište Udruženja;
- programski ciljevi Udruženja;
- prava i dužnosti članova;
- postupak za primanje i isključivanje članova Udruženja;
- organi Udruženja;
- pravila za ostvarivanje, korištenje i raspolaganje sredstvima Udruženja;
- javnost rada;
- postupak za izmjenu i dopunu Statuta i donošenje drugih opštih akata;
- oblik i sadržaj pečata;
- zastupanje i predstavljanje Udruženja;
- postupak za pripajanje, razdvajanje i prestanak rada Udruženja;
- postupak za raspolaganje imovinom nakon prestanka rada Udruženja;
- prelazne i završne odredbe.

II – NAZIV I SJEDIŠTE UDRUŽENJA

Član 3.

Puni naziv Udruženja je:

- UDRUŽENJE GENERALA BOSNE I HERCEGOVINE
- UDRUGA GENERALA BOSNE I HERCEGOVINE
- УДРУЖЕЊЕ ГЕНЕРАЛА БОСНЕ И ХЕРЦЕГОВИНЕ

Skraćeni naziv Udruženja je:

- UG BiH
- UG BiH
- УГ БиХ

Puni naziv Udruženja službeno se koristi na latinici i ćirilici.

Član 4.

Sjedište Udruženja je u Sarajevu.

Adresa Udruženja je: Ulica Zelenih beretki br 2, Tel: 033 664 949

Udruženje djeluje na cijeloj teritoriji Bosne i Hercegovine

III – PROGRAMSKI CILJEVI I DJELATNOST

Član 5.

Programski ciljevi Udruženja su:

- njegovanje i razvijanje tradicije antifašističkog pokreta;
- afirmacija građanskog demokratskog društva u BiH;
- ostvarivanje ljudskih prava i demokratskih sloboda u skladu sa općeprihvaćenim i međunarodnim pravnim normama;
- podizanje svijesti o historijskim, kulturnim i civilizacijskim vrijednostima BiH kroz organizovanje okruglih stolova, tribina, predavanja i naučnih skupova;
- izdavanje brošura, publikacija i knjiga, radi ostvarivanja ciljeva Udruženja;
- organizovanje, iniciranje i učešće u obilježavanju značajnih datuma, događaja i ličnosti iz historije državnosti BiH;
- stvaranje pozitivnog stava javnosti o značaju *Udruženja generala Bosne i Hercegovine* (Udruženja «Generali BiH») kroz principijelnost, aktivnost i upornost u ostvarivanju programskih ciljeva;
- priznavanje i ostvarivanje statusnih prava članova *Udruženja generala Bosne i Hercegovine* (Udruženja «Generali BiH»);
- briga o porodicama poginulih i umrlih generala;
- saradnja sa istim ili sličnim udruženjima u zemlji i inostranstvu radi ostvarivanja svojih programskih ciljeva.

Član 6.

Utvrđene ciljeve Udruženje ostvaruje na način određen Zakonom, ovim Statutom i drugim opštim aktima Udruženja, bez namjere sticanja profita.

U ostvarivanju svojih ciljeva Udruženje se neće uključivati u predizborne kampanje niti će prikupljati sredstva za kandidate stranaka.

IV – PRAVA I DUŽNOSTI ČLANOVA

Član 7.

Član Udruženja ima pravo:

- da bira i bude biran u organe Udruženja;

- da daje inicijative, sugestije i prijedloge u radu organa Udruženja;
- da aktivno radi na ostvarivanju programskih ciljeva;

Član 8.

Dužnosti člana Udruženja su:

- da se u granicama svojih mogućnosti aktivno uključi u realizaciji programskih ciljeva;
- da odgovorno izvršava povjerene obaveze u organima Udruženja;
- da daje sugestije, prijedloge i doprinosi u efikasnom i principijelnom radu;
- da redovno uplaćuje iznos članarine;
- da štiti moralni dignitet generala.

V – POSTUPAK ZA PRIMANJE I ISKLJUČIVANJE ČLANOVA

Član 9.

Član Udruženja postaje general, državljanin BiH koji dobrovoljno prihvata Statut Udruženja na osnovu slobodno izražene želje i pismene izjave o pristupanju Udruženju

Član 10.

Član Udruženja prestaje biti članom na osnovu:

- dobrovoljnog istupanja;
- odluke o isključenju koju donosi Upravni odbor na prijedlog Suda časti i zbog neopravdanog izostanka u radu tri uzastopne sjednice organa Udruženja ili neizmirenja godišnje članarine.

Član 11.

Član Udruženja ima pravo žalbe na odluku o isključenju iz Udruženja. Žalba se podnosi Skupštini preko administrativne službe Udruženja u roku od 15 dana od dana saopštenja. Odluka Skupštine po žalbi je konačna.

VI – ORGANI UDRUŽENJA

Član 12.

Udruženje ima sljedeće organe:

1. Skupština Udruženja;
2. Upravni odbor Udruženja;
3. Predsjednik Udruženja, koji je ujedno i predsjednik Upravnog odbora Udruženja,
4. Nadzorni odbor Udruženja;
5. Sud časti Udruženja;

Član 13.

Udruženje u vođenju kadrovske politike sprovodi sljedeće principe:

- javno kandidovanje i predlaganje;
- izbor između više kandidata na osnovu broja glasova;
- kontinuitet članstva u organima (1/3 članova organa iz prethodnog sastava);
- nacionalna i teritorijalna zastupljenost u organima.

Član 14.

Mandat člana u organu Udruženja iznosi četiri godine. Član može biti biran najviše dva mandata.

Skupština Udruženja

Član 15.

Skupština je najviši organ Udruženja i čine je svi članovi Udruženja. Sjednica Skupštine može biti:

- redovna, jednom godišnje i
- vanredna, prema potrebi.

Član 16.

Sjednice Skupštine saziva Predsjednik Skupštine, prema Godišnjem planu rada Udruženja ili prema potrebi, na zahtjev Upravnog odbora, Predsjednika Udruženja ili jedne trećine članova Skupštine.

Član 17.

U slučaju nemogućnosti održavanja sjednice Skupštine, nadležnost Skupštine preuzima Upravni odbor Udruženja, uz obavezu da sazove Sjednicu Skupštine najkasnije u roku od 60 dana od prestanka razloga zbog kojih se sjednica Skupštine nije mogla sazvati.

Član 18.

Skupština može pravosnažno odlučivati ako je sjednici Skupštine prisutna nadpolovična većina pozvanih članova.

Skupština donosi odluke većinom glasova prisutnih članova.

Glasanje na sjednici Skupštine je javno – izjašnjavanje dizanjem ruke.

Rad Skupštine se odvija prema Poslovniku o radu Skupštine kojeg usvaja Skupština.

Član 19.

Nadležnosti Skupštine Udruženja su:

- a) Donošenje Statuta, izmjena i dopuna Statuta i drugih akata određenih Statutom;
- b) Odlučivanje o pripajanju, razdvajanju, transformaciji, raspuštanju i prestanku rada, kao i o drugim statusnim promjenama Udruženja;
- c) Imenovanje i razrješenje članova Upravnog odbora Predsjednika Udruženja i drugih organa Udruženja;
- d) Usvajanje izvještaja kojeg je pripremio Upravni odbor i organi Skupštine;
- e) Odlučuje o visini članarine i naknade za rad administrativne službe;
- f) Usvaja Kodeks Udruženja i Poslovnik o radu Skupštine;
- g) Odlučivanje o svim drugim pitanjima koja nisu u nadležnosti drugih organa Udruženja.

Član 20.

O radu Skupštine vodi se zapisnik koji obavezno sadrži:

- naziv i adresu sjedišta Udruženja;
- mjesto i vrijeme održavanja Skupštine;
- ime i prezime predsjedavajućeg, zapisničara, lica koja ovjeravaju zapisnike i članova komisije za glasanje;
- dnevni red;
- zabilješku o broju prisutnih i odsutnih članova;
- kratak sadržaj diskusija i iznesene prijedloge;
- odluke, zaključke i podatke o glasanju.

Uz zapisnik se prilažu *pisani* (pismeni) prijedlozi, diskusije i izvještaji podneseni Skupštini. Zapisnik potpisuju Predsjednik Skupštine, zapisničar i izabrana lica koja ovjeravaju zapisnik. Zapisnik se vodi i potpisuje na dan održavanja sjednice Skupštine i predaje administrativnoj službi na čuvanje. Zapisnik se čuva trajno.

Član 21.

Organi Skupštine su:

- Predsjednik Skupštine Udruženja;
- Sekretar Skupštine Udruženja.

Član 22.

Nadležnosti predsjednika Skupštine:

- saziva redovnu i vanrednu sjednicu Skupštine;
- organizuje i priprema sjednicu Skupštine;
- predsjedava Skupštinom i usmjerava njen rad;
- potpisuje sve akte koje donosi Skupština i
- obavlja druge poslove u skladu sa ovim Statutom.

Sekretar Skupštine je ujedno i sekretar Udruženja.

- učestvuje u planiranju sjednice Skupštine;
- u saradnji sa Predsjednikom Skupštine priprema dokumenta za sjednicu Skupštine;
- organizuje sve aktivnosti u toku održavanja sjednice Skupštine prema Poslovniku o radu.

Upravni odbor

Član 23.

Upravni odbor je izvršni organ Udruženja kojeg bira i razriješava Skupština Udruženja.

Upravni odbor broji 7 članova i bira se na period od četiri godine sa mogućnošću reizbora na još četiri godine.

- Predsjednik Upravnog odbora, koji je ujedno i predsjednik Udruženja;
- Zamjenik predsjednika;
- Pet članova Upravnog odbora.

Član 24.

Članovi Upravnog odbora biraju Zamjenika predsjednika Upravnog odbora.

Sjednice Upravnog odbora saziva Predsjednik. Sjednicama Upravnog odbora prisustvuje Predsjednik Skupštine.

Mandat članova Upravnog odbora traje četiri godine, sa mogućnošću ponovnog izbora još jedan mandat.

Član 25.

Nadležnost Upravnog odbora Udruženja su:

- a) priprema sjednice Skupštine;
- b) priprema nacrt Statuta i drugih dokumenata koje donosi Skupština;
- c) provodi politiku, zaključke i druge odluke koje je donijela Skupština;
- d) raspolaze imovinom Udruženja;
- e) podnosi godišnji izvještaj o svom radu Skupštini na usvajanje;
- f) donosi finansijski plan i vodi brigu o finansijskama Udruženja;

- g) razmatra preiodične izvještaje o utrošku sredstava;
- h) bira i razriješava sekretara Udruženja;
- i) po potrebi formira stručne komisije za realizaciju pojedinih zadataka;
- j) vrši i druge poslove koje mu povjeri Skupština.

Član 26.

Nadležnosti Predsjednika Upravnog odbora su:

- a) planira, priprema, saziva i predsjedava sjednicama Upravnog odbora;
- b) sprovodi odluke Upravnog odbora i Skupštine;
- c) odgovoran je za realizaciju usvojenih planova i programa;
- d) potpisuje sva akta i odluke Upravnog odbora;
- e) priprema i podnosi Skupštini godišnji izvještaj o radu Upravnog odbora;
- f) usmjerava i kontroliše rad administrativne službe.

Član 27.

Nadležnosti zamjenika Predsjednika Upravnog odbora su:

- zamjenjuje Predsjednika;
- u odsutnosti predsjednika Udruženja potpisuje finansijska i druga dokumenta;
- pomaže Predsjedniku u realizaciji obaveze iz nadležnosti Predsjednika;
- obavlja i druge potrebne poslove u konsultaciji sa Predsjednikom Upravnog odbora.

Predsjednik Udruženja

Član 28.

Predsjednika Udruženja bira i imenuje Skupština Udruženja, na period od četiri godine sa mogućnošću reizbora na još četiri godine. Njegove nadležnosti su:

- a) zastupa i predstavlja Udruženje;
- b) rukovodi radom Udruženja;
- c) sprovodi odluke Skupštine i Upravnog odbora Udruženja;
- d) vodi brigu o finansijama Udruženja i potpisuje finansijska i ostala dokumenta;
- e) o svom radu podnosi izvještaj Skupštini
- f) prisustvuje sjednicama Upravnog odbora;
- g) izrađuje godišnji Plan rada Udruženja kojeg usvaja Skupština;
- h) obavlja i druge poslove koji proizilaze iz Statuta.

Nadzorni odbor

Član 29.

Nadzorni odbor broji tri člana koje bira Skupština na period od četiri godine sa mogućnošću reizbora na još četiri godine. Nadzorni odbor čine:

- Predsjednik Nadzornog odbora;
- Dva člana Nadzornog odbora.

Član 30.

Nadležnosti Nadzornog odbora su:

- prati i obezbjeđuje zakonitost rada svih organa Udruženja;
- vrši nadzor nad ostvarivanjem finansijske politike, priliva i korištenja finansijskih sredstava

Udruženja;
- nadzire pravilnost u raspolaganju ukupnom imovinom Udruženja

Član 31.

Nadležnosti Predsjednika Nadzornog odbora su:

- a) saziva i predsjedava sjednicama Nadzornog odbora;
- b) potpisuje akta koje donosi i usvaja Nadzorni odbor;
- c) izrađuje izvještaj o godišnjem radu Nadzornog odbora.

Sud časti

Član 32.

Sud časti čine tri člana koje bira Skupština Udruženja na period od četiri godine sa mogućnošću reizbora na još četiri godine.

Sud časti čine:

- Predsjednik Suda časti;
- Dva člana Suda časti.

Član 33.

Sud časti se sastaje po potrebi i raspravlja u slučajevima bitnih povreda Statuta i drugih akata Udruženja.

Sud časti donosi odluke većinom članova.

Član 34.

U slučajevima bitnih povreda Statuta i drugih opštih akata Udruženja, Sud časti može izreći opomenu, javnu opomenu ili predložiti Upravnom odboru isključenje člana iz Udruženja.

VII - IMOVINA UDRUŽENJA, KORIŠTENJE I RASPOLAGANJE SREDSTVIMA UDRUŽENJA

Član 35.

Imovinu Udruženja čine materijalna sredstva i novac koje Udruženje stekne tokom rada u skladu sa Zakonom i ovim statutom. Za obaveze prema trećim licima Udruženje odgovara cjelokupnom imovinom.

Član 36.

Sredstva potrebna za rad Udruženja obezbjeđuju se od:

- a) sredstava iz budžeta i drugih institucija namjenjenih za finansiranje Udruženja;
- b) dobrovoljnih priloga i poklona fizičkih i pravnih lica i javnih institucija;
- c) članarine;
- d) sponzorstva u skladu sa zakonom.

Član 37.

Korištenje raspoloživih sredstava vrši se u skladu sa Zakonom, ovim Statutom i usvojenim finansijskim planovima. Nalogodavac za izvršenje materijalno finansijskih obaveza je predsjednik UG BiH, a u njegovoj odsutnosti zamjenik predsjednika Upravnog odbora Udruženja.

Član 38.

Udruženje generala vodi propisane finansijske knjige, sastavlja finansijske izvještaje i dostavlja Zakonom propisanim organima. Upravljanje imovinom vrši se prema zakonu i odgovorno.

Član 39.

Kontrolu finansijskog poslovanja Udruženja vrši Nadzorni odbor na način utvrđen ovim Statutom.

Član 40.

Upravni odbor je dužan, najmanje jednom godišnje, podnijeti Skupštini Udruženja izvještaj sa podacima o imovini Udruženja, njenom korištenju, prihodima i rashodima Udruženja i drugim pitanjima od značaja za raspolaganja imovinom i finansijskim poslovanjem.

Član 41.

Udruženje ima status pravnog lica.

Udruženje ima svoj žiro račun kod poslovne banke u Sarajevu.

VIII – JAVNOST U RADU UDRUŽENJA

Član 42.

Udruženje ostvaruje sve aktivnosti javno i transparentno u skladu sa pozitivnim Zakonima i ovim Statutom.

Član 43.

Članovi Udruženja imaju pravo da budu redovno informisani o radu svih organa Udruženja, o čemu se brinu Predsjednik Udruženja i Upravni odbor.

Član 44.

Organi Udruženja su dužni da ovlaštenim predstavnicima *sredstava* (organa) informisanja učine dostupnim sve podatke, informacije i isprave koje se odnose na rada Udruženja. Predstavnici sredstava informisanja imaju pravo da prisustvuju sjednicama organa Udruženja i da izvještavaju o radu istih.

IX – POSTUPAK ZA IZMJENU I DOPUNU STATUTA OVLAŠĆENJA I NAČIN DONOŠENJA DRUGIH OPĆIH AKATA

Član 45.

Izmjene i dopune Statuta se vrše u cilju:

- usaglašavanja Statuta sa novim propisima koji imaju uticaj na aktivnosti Udruženja;
- unaprijeđenja rada Udruženja i izmjene organizacije Udruženja;
- statutarnog regulisanja prevaziđenih odredbi Statuta.

Član 46.

Izmjene i dopune Statuta može inicirati svaki član i organ Udruženja *pisanim* (pismenim) prijedlogom koji razmatra Statutarna komisija i daje svoje mišljenje Upravnom odboru. Upravni odbor razmatra inicijativu i mišljenje Statutarne komisije i donosi odluku:

- da se prijedlog pripremi za Skupštinu ili
- da se prijedlog odbije.

O svojoj odluci obavještava inicijatora izmjene i dopune.

Član 47.

Ovlašćuje se Upravni odbor i Predsjednik Udruženja da mogu donositi i potpisivati odluke u skladu sa ovim Statutom, a koje se odnose na:

- ostvarivanje programa rada Udruženja;
- redovno funkcionisanje organa Udruženja (korespodencija);
- iznošenje stavova po aktuelnim pitanjima u medijima i javnosti.

Član 48.

Pored Statuta, organi Udruženja. mogu donositi i druge opšte akte i to:

- odluke
- pravilnike i
- poslovnike

Opšti akti Udruženja moraju biti saglasni sa važećim Zakonom i Statutom Udruženja.

Donošenje drugih općih akata propisanih ili potrebnih u radu Udruženja vrši Upravni odbor. Originalni primjerci općih akata Udruženja čuvaju se u arhivi Udruženja.

X – OBLIK I SADRŽAJ PEČATA UDRUŽENJA

Član 49.

Udruženje ima pečat i štambilj.

- a) Pečat Udruženja je kružnog oblika, prečnika 30 mm, i sadrži kružno ispisan puni naziv: Udruženje generala Bosne i Hercegovine, latinicom i ćirilicom. U sredini je natpis Sarajevo ispisan latinicom i ćirilicom.
- b) Štambilj je pravougaonog oblika dimenzija 48 mm sa 17 mm. Na štambilju se nalaze sledeće riječi:

„Bosna i Hercegovina“
Udruženje Generala Bosne i Hercegovine
Sarajevo
broj _____ datum _____

XI – ZASTUPANJE I PREDSTAVLJANJE UDRUŽENJA

Član 50.

Udruženje predstavlja i zastupa Predsjednik Udruženja.

Predsjednik Udruženja generala prije istupanja u javnosti konsultuje se po svim pitanjima sa Upravnim odborom.

Član 51.

Upravni odbor može donijeti odluku kojom će ovlastiti i druga lica da zastupaju Udruženje, s tim što će utvrditi i ovlaštenja, odnosno ograničenja ovlaštenog lica u zastupanju Udruženja.

XII-POSTUPAK ZA PRIPAJANJE, RAZDVAJANJE I PRESTANAK RADA UDRUŽENJA

Član 52.

Postupak za pripajanje, razdvajanje i prestanak sa radom Udruženja donosi Skupština Udruženja na prijedlog Predsjednika Udruženja, nakon razmatranja na Upravnom odboru. Odluku o pripajanju, razdvajanju i prestanku rada donosi Skupština dvotrećinskom većinom glasova članova Skupštine.

Član 53.

Udruženje prestaje sa radom dobrovoljno ili po sili Zakona. Nakon prestanka rada Odluku o raspodjeli imovine donosi Skupština Udruženja na prijedlog Upravnog odbora. Imovina se dodjeljuje sličnim udruženjima nakon podmirenja svih dugovanja Udruženja, zaključuju se finansijska dokumenta i gase organi Udruženja.

XIII – PRELAZNE I ZAVRŠNE ODREDBE

Član 54.

Udruženje generala je obavezno da sva opća akta donese u roku od tri mjeseca od dana stupanja na snagu ovog Statuta.

Član 55.

Ovaj Statut stupa na snagu danom donošenja, a primjenjivat će se danom upisa u registar kod nadležnog Ministarstva.

Br: 02/05

PREDSJEDNIK SKUPŠTINE

Sarajevo, 11.12. 2005.

Jovan Divjak

NAPOMENA:

Sve izmjene u Statutu koje su boldirane upisane su u Registar udruženja pri Ministarstvu pravde Bosne i Hercegovine, na osnovu naše odluke broj: 01-160-24/18 od 19.03.2018. u čijem je potpisu predsjednik Skupštine UG BiH – Fikret Čuskić



HOME

O NAMA ▾

OBJAVE

PUBLIKACIJE

GALERIJA

ČLANOVI

IN MEMORIAM

KONTAKT

General Atif Dudaković i član Predsjedništva BiH dr Denis Bećirović su časne patriote

OBJAVE © 09.08.2023.



Već par dana pratimo istupe ministra sigurnosti u Vijeću ministara Bosne i Hercegovine, na susret člana Predsjedništva Bosne i Hercegovine dr Denisa Bećirovića i penzionisanog generala Atifa Dudakovića. Da je taj lik neka moralna osoba ili osoba sa dignitetom čije je mišljenje mjerodavno oglasili bi smo se odmah. Ovako smo bili u dilemi, jer je sa tim opskurnim likom teško

razmijeniti realne činjenice i racionalne pokazatelje. Međutim, obzirom da je isti prešao sve granice pristojnosti moramo se oglasiti, radi javnosti u Bosni i Hercegovini, sa istinom i pravnim činjenicama utvrđenim od relevantnih pravosudnih institucija.

Prva i osnovna je, da je general Dudaković komandovao jedinicama jedine legitimne vojne formacije u Republici Bosni i Hercegovini, a da je njegov idol „na kojeg su ponosne Vullnove studentice“ osuđen za ratne zločine i genocid nad nedužnim civilima, a sada nakon višegodišnjeg sakrivanja „generalčina“ doživotno boravi u jednom od evropskih kazamata. General Dudaković je časno i hrabro prihvatio optužnicu od strane Tužilaštva i Suda BiH, te se s njom bori istinom i pravnim sredstvima uzdignuta čela, ponosan da se sa 5.korpusom Armije RBiH herojski borio protiv agresije na svoju domovinu.

Dalje, dr Bećirović je nesumnjivi patriota koji ne želi i neće da poklekne pred rušilačkim naletima mrzitelja Bosne i Hercegovine, i kao takav im smeta. Doduše, Nešiću i njegovim šefovima smetaju svi koji vole ovu zemlju i koji se ne plaše to javno reći. Posebno im smeta što dr Bećirović u svakoj prilici naglasi da ćemo svim snagama braniti državu i nikada više dozvoliti da se ponove klanja i silovanja nedužnih, kao što su radili u devedesetim. Mi kao generali, prostekli iz časne Armije RBiH, Vojske FBiH i OS BiH, pružamo punu podršku članu Predsjedništva Bosne i Hercegovine dr Denisu Bećiroviću, u svim aktivnostima na odbrani suvereniteta, teritorijalnog integriteta i nezavisnosti države Bosne i Hercegovine i u punom kapacitetu stojimo iza njega.

Na kraju, podsjećamo Nešića da u pravu postoji presumpcija nevinosti i da nikako on nije taj koji će tumačiti niti optužnicu niti dokaze. Jer, kako njegov idol falsifikuje snimke neki dan u Prijedoru, tako i on tumači dijelove snimaka koji su navodni dokazi u procesu generalu Dudakoviću.

Poručujemo svima da mi, kao i svi iskreni Bosanci i Hercegovci, budno pratimo sva događanja i igre oko naše domovine sa porukom da nikada nećemo dozvoliti urušavanje države Bosne i Hercegovine, njene samostalnosti, nezavisnosti i međunarodnog subjektiviteta, kako od strane njenih unutrašnjih tako i vanjskih neprijatelja.



HOME

O NAMA ▾

OBJAVE

PUBLIKACIJE

GALERIJA

ČLANOVI

IN MEMORIAM

KONTAKT

Udruženje generala Bosne i Hercegovine u posjeti predsjedavajućem Predsjedništva Bosne i Hercegovine

OBJAVE © 13.09.2023.



Predsjedavajući Predsjedništva Bosne i Hercegovine Željko Komšić primio je predstavnike Udruženja generala Bosne i Hercegovine, Rizvo Pleh - predsjednik, Nedžad Ajnadžić - zamjenik, Sadik Klinić - sekretar, te Ismet Alija, Džemal Merdan – članovi Upravnog odbora.

Sa svoje strane predstavnici Udruženja generala Bosne i Hercegovine dali su punu podršku presudi Evropskog suda za ljudska prava u predmetu „Kovačević“, smatrajući je izuzetnom važnom za našu zemlju. Sa svoje strane, predsjedavajući Komšić je istakao da presuda uspostavlja novi standard i donju crtu ispod koje se ne smije ići u svim budućim razgovorima i pregovorima oko izmjena Ustava i izbornog zakona Bosne i Hercegovine.

Posebno je istaknuto da presuda ima za cilj izmjenu kompletne paradigme u političkom sistemu Bosne i Hercegovine na način da ga se usklađuje sa evropskim standardima, koji su neophodan uslov za pristupanje Evropskoj uniji.

Osim toga, predstavnici Udruženja generala Bosne i Hercegovine su iskazali svoju zabrinutost inertnošću međunarodne zajednice u smislu da je konstantno prisutno povlađivanje antidržavnim politikama čiji su nositelji Milorad Dodik i Dragan Čović, putem kojih se nastoji isporučiti suverenitet Bosne i Hercegovine prema susjednoj Hrvatskoj i Srbiji.

Zajednički je ocijenjeno da je u sadašnjem političkom trenutku veoma važno očuvati sve državne institucije i njihov nesmetan rad i pored najavljenih blokada i opstrukcija, koje dolaze iz bh. entiteta Republika Srpska.

(Vijesti.ba)



General Atif Dudaković i član Predsjedništva BiH dr Denis Bećirović su časne patriote

Zamjenik predsjedavajućeg Doma naroda PSBiH Kemal Ademović sastao se sa predstavnicima Udruženja generala Bosne i Hercegovine



IZDVOJENO



05.10.2023.

Zamjenik predsjedavajućeg Doma naroda PSBiH Kemal Ademović sastao se sa predstavnicima Udruženja generala Bosne i Hercegovine



HOME

O NAMA ▾

OBJAVE

PUBLIKACIJE

GALERIJA

ČLANOVI

IN MEMORIAM

KONTAKT

Održana 12.redovna izvještajna Skupština Udruženja generala Bosne i Hercegovine

OBJAVE © 26.04.2023.



U Sarajevu je jučer, 26.aprila 2023.godine, održana 12.redovna skupština Udruženja generala Bosne i Hercegovine.

Na dnevnom redu bili su Izvještaji o radu u 2022.godini i planovi za 2023.godinu. Važno je naglasiti da su svi izvještaji i planovi usvojeni jednoglasno.

Skupština je donijela zaključke da se što još intenzivnije i agresivnije uključimo u društvena zbivanja, da organizujemo okupljanja u više gradova BiH, da uđemo u projekat Izgrade Monografije bosansko-hercegovačkih generala, da se nastave kontakti i saradnja sa nosiocima vlasti kako bi se popravila pozicija branilaca, a Skupština je donijela odluku da se ustanovi priznanje Udruženja "Plaketa odbrambeno-oslobodilačkog rata 1992.-1995." za koju će se u narednom periodu donijeti pravilnik i kriteriji za dodjeljivanje.

Takođe, Skupština je donijela odluke o dodjeli priznanja za zaslužne pojedince i kolektive, koja će biti dodjeljena na Svečanoj sjednici u povodu Dana Udruženja.

Povelja UG BiH dodijeljena je:

generalu u penziji Halilu Brzini i

generalu u penziji Sulejmanu Vranju, te posthumno generalima:


Mustafi Hajrulahoviću - Talljanu i

Mehmedu Alagiću.

Zahvanica UG BiH dodijeljena je gospodinu Almiru Šaćiragiću, demobilisanom pripadniku Armije RBiH i višegodišnjem saradniku našeg udruženja.

Međutim, s obzirom na trenutnu društvenu, političku i sigurnosnu situaciju u Bosni i Hercegovini, većina vremena je provedena u analiziranju i razgovoru o navedenoj problematici. Generali, članovi Udruženja generala Bosne i Hercegovine na održanoj Skupštini donijeli su slijedeće stavove:

1. Mi penzionisani generali, članovi UG BiH, u punoj mjeri i svome maksimalnom kapacitetu stojimo uz naše predstavnike u državnim organima koji rade na zaštiti integriteta, međunarodnog subjektiviteta i državnosti Bosne i Hercegovine,
2. Insistiramo da svi građani i predstavnici vlasti ne dovode u pitanje, već da istrajno rade na očuvanju i izgradnji državnih institucija na svim nivoima,
3. Posebno zahtijevamo od svih probosansko-hercegovačkih stranaka i partija, da prekinu sa destruktivnim međusobnim sukobima i da se okupe u političkoj borbi na zaštiti političkog i svakog drugog subjektiviteta države,
4. Poručujemo svim neprijateljima, i unutrašnjim i vanjskim, da mi Bosanci i Hercegovci nemamo druge države. Nismo i nećemo se nikada odreći ni jednog njenog pedlja, nećemo zaboraviti sve patriote koji su dali svoje živote i dijelove tijela za odbranu od agresije, a naša domovina nikada neće biti predmet nikakvog razdruživanja niti potkusurivanja.
5. Pozivamo sve patriote, sve građane, sve političare da čuvamo i razvijamo našu Bosnu i Hercegovinu na korist svih njenih građana, da svojoj djeci dajemo nadu



31. godišnjica Armije Republike Bosne i Hercegovine

Posjeta Republici Hrvatskoj



IZDOJENO



05.10.2023.

Zamjenik predsjedavajućeg Doma naroda PSBiH Kemal Ademović sastao se sa predstavnicima Udruženja generala Bosne i Hercegovine



13.09.2023.

Udruženje generala Bosne i Hercegovine u posjeti predsjedavajućem Predsjedništvu Bosne i Hercegovine



09.08.2023.

General Atif Dudaković i član Predsjedništva BiH dr Denis Bećirović su časne patriote



31.07.2023.

Delegacija Udruženja generala Bosne i Hercegovine u posjeti ministru Nedžad Lokmiću



BIOS ENG



[HOME](#)

[O NAMA ▾](#)

[OBJAVE](#)

[PUBLIKACIJE](#)

[GALERIJA](#)

[ČLANOVI](#)

[IN MEMORIAM](#)

[KONTAKT](#)

Udruženje generala pruža punu podršku gradonačelnici Karić u njenim stavovima o neustavnom obilježavanju 9.januara

[OBJAVE](#)  06.01.2023.



Udruženje generala Bosne i Hercegovine pažljivo prati posljednja dešavanja vezana za neustavno obilježavanje 9.januara, ovaj put u Lukavici u neposrednoj blizini Sarajeva. Kako shvatiti taj čin nego kao namjernu provokaciju građana Sarajeva koji su od strane tzv. VRS držani u opsadi punih 1425 dana pod stalnom artiljerijskom i snajperskom vatrom, uz činjenje zvjerstava i zločina neprimjerenim čovječanstvu.

U toku te necivilizacijske opsade nikli su mnogi heroji znani i neznani, a danas 27 godina nakon otvaranja grada Sarajeva pojavila se ne možemo u ratnom smislu reći nova herojina, ali sigurno jedna hrabra i patriotski opredjeljena Sarajka. Djevojčica rođena u osvit rata, dijete koje je rano djetinjstvo provelo pod granatama i snajperskim mecima, kao i sva djeca opkoljenog Sarajeva odrastalo više gladno nego sito... Ali i pored toga odgojena kao istinska Sarajka, dostojanstvena i časna Bosanka i Hercegovka. Ta djevojka je danas ponosna supruga, majka i osoba koja dostiže visoka akademska zvanja i na ponos svih nas Gradonačelnica Sarajeva Benjamina Karić.

Gradonačelnica glavnog grada Bosne i Hercegovine, našeg Sarajeva, je bez imalo ustezanja i visoko civilizacijski odgovorila na verbalne napade „kolege“ Čosića. Kao istinska intelektualka pozvala ga je da čita i nauči, te da ćemo se mi Sarajlije boriti istinom, a ne mitovima i revizionističkom i jednostranom historijom. Poruka gradonačelnice Karić: „Nećete uspjeti u svojim provokatorskim i zlom namjerama. Nisu uspjeli mnogi!“ – je kolektivna poruka nas patriota, branitelja, svih građanki i građana Sarajeva.

Zbog ovako dostojanstvenog nastupa gradonačelnice Benjamine Karić i njenih patriotskih stavova Udruženje generala Bosne i Hercegovine joj daje punu podršku i odaje priznanje. Našim stavovima pridružili su se SUB Patriotska Liga Bosne i Hercegovine, kao i Udruženje „Žene borci 92.-95.“ Kantona Sarajevo.



Predstavnici Udruženja na okupljanju veterana u povodu neustavnog djelovanja od strane rukovodstva bh entiteta "Rs"

Udruženje generala Bosne i Hercegovine u Ambasadi Republike Turkiye



IZDVOJENO



HOME

O NAMA ▾

OBJAVE

PUBLIKACIJE

GALERIJA

ČLANOVI

IN MEMORIAM

KONTAKT

Opći izbori u Bosni i Hercegovini

OBJAVE ⌚ 01.10.2022.



Noćas u 24:00 sata završava se izborna kampanja u Bosni i Hercegovini i počinje predizborna šutnja.

Čuli smo mnogo planova, ekspertiza, analiza, ali i velikih obećanja. Kao generali okupljeni u Udruženju generala Bosne i Hercegovine, svim političkim subjektima i pojedincima, naravno probosanskim, želimo sreću i da nakon ustanovljavanja vlasti ne zaborave sve što su obećali.

Kao generali proizašli iz Armije RBiH i Oružanih snaga BiH posebno podržavamo kandidate koji su bili naši sabori u odbrambeno oslobodilačkom ratu, sve dokazane patriote Bosne i Hercegovine, i političku opieljo i pojedince za koje naša domovina i njen suverenitet nije i ne smije biti upitan. Od svih njih zahtijevamo da im pored sveukupnog prosperiteta i euro-atlantskih integracija Bosne i Hercegovine, u budućnosti prioritet budu i veterani koji su branili i odbranili našu domovinu od agresije.

Nadamo se da ćemo sa izabranim nosiocima vlasti na svim nivoima, kao i do sada, raditi na izgradnji jake i prosperitetne Države Bosne i Hercegovine.



Održana promocija knjige „Prvi korpus u odbrani Sarajeva 1992. – 1995.“

Posjeta ministarstvu za boračka pitanja u Vladi Zeničko-dobojskog kantona



IZDVOJENO



05.10.2023.

Zamjenik predsjedavajućeg Doma naroda PSBiH Kemal Ademović sastao se sa predstavnicima Udruženja generala Bosne i Hercegovine



13.09.2023.

Udruženje generala Bosne i Hercegovine u posjeti predsjedavajućem Predsjedništva Bosne i Hercegovine



09.08.2023.

General Atif Dudaković i član Predsjedništva BiH dr Denis Bećirović su časne patriote



31.07.2023.

Delegacija Udruženja generala Bosne i Hercegovine u posjeti ministru Nedžadzu Lokmiću

Prijatelji i saradnici Udruženja generala Bosne i Hercegovine



HOME

O NAMA ▾

OBJAVE

PUBLIKACIJE

GALERIJA

ČLANOVI

IN MEMORIAM

KONTAKT

Formirana "Inicijativa za zaštitu i očuvanje istine o odbrambenoj borbi i ratu 1992. – 1995. – IZBOR

OBJAVE 08.07.2022.



U Sarajevu je juče ozvaničeno formiranje "Inicijative za zaštitu i očuvanje Istine o odbrambenoj borbi i ratu 1992. - 1995. - IZBOR", čiji su pokretači pored Udruženja generala Bosne i Hercegovine i novinar Dženana Karup Druško, Udruženje veterana odreda policije za specijalne namjene "Lasta", Udruženje žrtava i svjedoka genocida, Savez dobitnika najvećih ratnih priznanja FBiH, Udruženje za zaštitu tekovina borbe za BiH i Unija saveza udruženja policije FBiH.

Ovo je prvi slučaj da se na zajedničkom zadatku nalaze udruženja veterana Armije i MUP-a RBiH, te udruženja žrtava agresije na BiH.

Povod za pokretanje inicijative je sve učestalije relativiziranje haškog naslijeđa, negiranje presuda i činjenica utvrđenih o ratu u Bosni i Hercegovini u presudama Međunarodnog krivičnog suda za bivšu Jugoslaviju, te historijski revizionizam. Poseban povod je i činjenica da se kroz određene postupke bh. pravosuđa pokušavaju nametnuti narativi u kojima se izjednačavaju strane u ratu i mijenja karakter rata. Kroz svoje aktivnosti želimo doprinijeti afirmaciji haškog naslijeđa, ali i da se javnosti, državnim institucijama, političkim i međunarodnim subjektima, dokumentirano i činjenično ukaže na politiku optuženja u Bosni i Hercegovini u pogledu teških kršenja međunarodnog humanitarnog prava, zatim na očigledne pravne opstrukcije i blokade u provođenju državne Revizirane strategije za progon ratnih zločinaca i njenog Aneksa B, po kojem je prioritet Tužiteljstva BiH rad na oko 300 predmeta sa oznakom A koji su dostavljeni od strane Tužiteljstva MKSJ iz Haaga.

Aktivno ćemo raditi na onemogućavanju pravnog revizionizma presuda MKSJ/MICT koji su pravosnažno utvrdili agresiju Srbije i Hrvatske na RBiH. Cilj Inicijative je da u svoj rad uključi što veći broj udruženja i institucija koje imaju iste ciljeve.

Posebno se zahvaljujemo udruženjima koja su nam pružila nesebičnu podršku u toku priprema za formiranje Inicijative, u toku kojih smo održali dvije press konferencije (Podizanje optužnice u slučaju "Dobrovoljačka" i Rad Tužilaštva BiH) i promociju Brošure "SARAJEVO 30 godina bez optužnice", koju je izdalo Udruženje žrtava i svjedoka genocida.

Posebno se zahvaljujemo na podršci u početnim aktivnostima Udruženju Prve brigade policije Stari grad, Udruženju dobitnika najviših ratnih priznanja Kantona Sarajevo, Koordinaciji temeljnih boračkih udruženja Federacije BiH, Savezu brigadnih udruženja 1.korpusa Armije RBiH, Udruženju Specijalna jedinica MUP-a RBiH - Odred policije Bosna, Pokretu Majke enklave Srebrenica i Žepa, Savezu udruženja logoraša USK dr.Irfan Ljubljankić i svim općinskim

udruženjima logoraša USK, Savezu udruženja boraca Patriotske lge BiH, kao i predstavnicima Institucija i organa vlasti sa kojima smo do sada obavili razgovore.



Zaustaviti aveti fašizma u Mostaru



povodu početka predizborne kampanje u Bosni

i Hercegovini

IZDVOJENO



05.10.2023.

Zamjenik predsjedavajućeg Doma naroda PSBiH Kemal Ademović sastao se sa predstavnicima Udruženja generala Bosne i Hercegovine



13.09.2023.

Udruženje generala Bosne i Hercegovine u posjeti predsjedavajućem Predsjedništva Bosne i Hercegovine



09.08.2023.

General Atif Dudaković i član Predsjedništva BiH dr Denis Bećirović su časne patriote



31.07.2023.

Delegacija Udruženja generala Bosne i Hercegovine u posjeti ministru Nedžadu Lokmiću



HOME

O NAMA ▾

OBJAVE

PUBLIKACIJE

GALERIJA

ČLANOVI

IN MEMORIAM

KONTAKT

Zaustaviti aveti fašizma u Mostaru

OBJAVE © 17.06.2022.



Članovi Udruženja generala Bosne i Hercegovine sa gnušanjem osuđuju vandalsko uništavanje "Partizanskog spomen groblja", spomenika izgrađenog davne 1965.godine po projektu poznatog arhitekta Bogdana Bogdanovića. Posebno je bolno da se ovako i na ovaj način uništi simbol krvave anti-fašističke borbe u vrijeme kada se u Evropi na raznim stranama osjeti ponovno buđenje retrogradnih fašističkih ideja i pokreta, a vidimo da su takve

ideje prisutne i u Bosni i Hercegovini.

Svi dobronamjerni Bosanci i Hercegovci su ponosni, i uvijek će biti, na našu antifašističku historiju i nesebični doprinos u borbi prosperitetnog svijeta protiv aveti fašizma četrdesetih godina prošlog vijeka. Ovim putem upućujemo svoju ljudsku osudu ovog sumanutog rušilačkog pohoda, a kao generali poručujemo da reinkarnacija fašističkih ideja u našoj domovini neće proći.

Apelujemo na sigurnosne agencije na svim nivoima da ulože sve napore, te konačno pronađu i adekvatno kazne počinioce.



Druga press konferencija - Rad Tužilaštva Bosne i Hercegovine

Formirana "Inicijativa za zaštitu i očuvanje Istine o odbrambenoj borbi i ratu 1992. – 1995. – IZBOR



IZDVOJENO



05.10.2023.

Zamjenik predsjedavajućeg Doma naroda PSBiH Kemal Ademović sastao se sa predstavnicima Udruženja generala Bosne i Hercegovine



13.09.2023.

Udruženje generala Bosne i Hercegovine u posjeti predsjedavajućem Predsjedništva Bosne i Hercegovine



09.08.2023.

General Atif Dudaković i član Predsjedništva BiH dr Denis Bećirović su časne patriote



HOME

O NAMA ▾

OBJAVE

PUBLIKACIJE

GALERIJA

ČLANOVI

IN MEMORIAM

KONTAKT

28.godišnjica 7.korpusa Armije R BiH

OBJAVE 09.04.2022.



Danas je delegacija Udruženja generala Bosne i Hercegovine, u Travniku, prisustvovala obilježavanju 28.godišnjice formiranja 7.korpusa Armije Republike Bosne i Hercegovine. Ovom prilikom prisjetili smo se hrabrog ratnog puta ovoga slavnog korpusa, njegovih šehida i poginulih boraca i naravno rahmetli generala Mehmeda Alagića, koji je dostojanstveno vodio svoje borce. Zajednička poruka svih prisutnih je da uvijek bosanski narod mora biti budan i spreman na sve načine braniti svoju jedinu domovinu Bosnu i Hercegovinu, što je i emanet naših palih heroja.



Udruženje generala Bosne i Hercegovine održalo redovnu Skupštinu

Dan Armije Republike Bosne i Hercegovine - 30 godina ponosa i slave



IZDVOJENO



05.10.2023. Zamjenik predsjedavajućeg Doma naroda PSBiH Kemal Ademović sastao se sa predstavnicima Udruženja generala Bosne i Hercegovine



13.09.2023. Udruženje generala Bosne i Hercegovine u posjeti predsjedavajućem Predsjedništva Bosne i Hercegovine



09.08.2023. General Atif Dudaković i član Predsjedništva BiH dr Denis Bećirović su časne patriote



31.07.2023. Delegacija Udruženja generala Bosne i Hercegovine u posjeti ministru Nedžadzu Lokmiću